

玉函山房輯佚書

春秋公羊穀梁傳解詁一卷晉劉兆撰兆字延世濟南東平人博學洽聞溫篤善誘武帝時五辟公府三徵博士皆不就晉書儒林有傳楊士勛穀梁傳序疏數注穀梁者十餘家有劉瑤盧抱經以爲卽劉兆也傳載其著述有春秋訓人七萬餘言又爲春秋左氏解名曰全綜公羊穀梁解詁皆納經傳中朱書以別之隋志惟以春秋公羊穀梁傳十二卷著錄唐志作春秋三傳集解十一卷蓋合全綜爲一書而復少一卷也今佚輯錄十節皆訓公穀之義與今本文異者

足資參考其解左及調人泯絕不可復覩令人悵悵
爾歷城馬國翰竹吾甫

春秋公羊穀梁傳解詁

晉 劉兆 撰

公羊傳

莊公

四年

紀侯譖之

勢言曰譖

文選韋孟
諫詩李善注

十有三年

曹子標劍而去之

注標辟也辟捐也辟也婢亦反

陸德明釋文 文選袁陽源倣曹子

建白馬

篇注

僖公

四年

卒貼荆

貼服也

釋文帖他協反一本作貼服也劉兆同

八年

蓋情于齊媵女之先至者也

今本作脅 依注作情

情畏迫也

釋元應璩 王經音義

哀公

十有四年

有麋而角者

今本作麋
依注作麋

麋麋也

文選鮑明遠
燕城賦注

穀梁傳

文公

九年

舉天下而葬一人

舉盡也

文選孫臏公遊天台山賦
注又李少卿答蘇武書注

襄公

二十有四年

一穀不升謂之慊

今本作慊
依注作慊

慊不足也

文選陸士衡
辨亡論注

昭公

八年

流旁握御輦者不得入

幣紆也

釋文
詩釋文

二十年

齊謂之綦楚謂之跣衛謂之繫

今本作衛謂之跣依注作繫

綦連併也跣聚合不解也繫如見絆繫也

釋文

定公

九年

得之堤下

堤緣邊也

顧野王玉篇土部

春秋左氏傳義注一卷晉孫毓撰毓有毛詩異同評
已著錄其作春秋左氏傳義注隋志十八卷唐志三
十卷又有春秋左氏傳賈服異同略隋唐志並五卷
今皆佚輯錄八節如周之宗盟據宗伯盟詛之辭以
服氏同宗解爲不然王室之不壞服本作懷孫依賈
作壞亦不取服氏似義注及賈服異同略二書大旨
申賈而駁服蓋服虔注受於鄭康成而王肅說多主
賈達孫朋於王猶評詩之見也歷城馬國翰竹吾甫

春秋左氏傳義注

晉 孫毓 撰

隱公

十有一年

周之宗盟異姓爲後

宗伯屬官掌作盟詛之辭故曰宗盟服云同宗之
盟同宗之盟則無與於異姓何論先後若通共同
盟則何稱於宗斯不然矣

孔穎達
正義

襄公

十有四年

王室之不壞

服虔本壞作懷案舊本及賈氏皆作壞

正義服虔句據正

義補

二十有五年

數疆潦

正義引孫毓讀爲疆潦

疆潦砂磔之田也

正義

昭公

十有七年

今茲火出而章必火入而伏

賈氏舊文無重火字

正義

二十有一年

而不能送亡君請待之

君下屬

正義

二十有六年

玩求無度

正義云俗本作覓服王係皆注云玩貪也元年傳曰玩歲而謁口杜云所謁皆貪也

皆此言貪求無度本或作規謬也

玩貪也

正義引服王係

哀公

六年

夏書曰惟彼陶唐帥彼天常有此冀方今失其行亂其紀綱乃滅而亡

逸書夏桀之時

正義引服孫杜

十年

吳延州來季子救陳

季子食邑於州來世稱延州來季子猶趙氏世稱趙孟知氏世稱知伯延州來季子或是札之子與

孫也
義正

春秋公羊穀梁二傳評一卷晉江熙撰熙字太和它
至兖州別駕見冊府元龜隋志此書三卷不著名氏
唐志題江熙玉海云公穀二傳評今佚范甯注引十
九節據輯按范序云先君北薨迴軫頓駕于吳乃帥
門生故吏我兄弟子姪研講六籍次及三傳又云釋
穀梁者近十家皆膚淺末學不經師匠楊士勣疏門
生同門後生故吏謂昔日君臣江徐之屬是也又解
十家有江熙熙評二傳非專釋穀梁且范解亟取其
說而無所斥駁所謂與二三學士及諸子弟各記所

識并言其意當不在十家之內也歷城馬國翰竹書
甫

春秋公羊穀梁二傳評

晉 江熙 撰

桓公

二年

三月公會齊侯陳侯鄭伯于稷以成宋亂傳以者內
爲志焉爾公爲志序成是亂也此成矣取不成事之
辭而加之焉於內之惡而君子無道焉爾

春秋親尊皆諱蓋患惡之不可掩豈當取不成事
之辭以加君父之惡乎案宣四年公及齊侯平莒

及鄭傳曰平者成也然則成亦平也公與齊陳鄆欲平宋亂而取其賂鼎不能平亂故書成宋亂也郕大鼎納于太廟微旨見矣尋理推經傳似失之

范甯集解

三年

是必一人先其以相言之何也不以齊侯命衛侯也夫相與親比非一人之德是以同聲相應同氣相求齊衛胥盟雖有先倡倡和理均若以齊命衛則功歸于齊以衛命齊則齊僅隨從言其相命則泯

然無際矣

同上

莊公

三年

五月葬桓王傳曰改葬也改葬之禮總舉下緇也

葬稱公舉五等之上改葬禮總舉五服之下以喪

緇貌遠也天子諸侯易服而葬以爲交於神明者

不可以純凶況其緇者乎是故改葬之禮其服唯

輕言緇釋所以總也

集解 杜佑通典卷一百二

易服而葬下有之禮二字交上有其字神

明者下有也字末句作言緇所以釋總

八年

善爲國者不師

鄰國望我歡若親戚何師之爲

集解

善師者不陳

上兵伐謀何乃至陳

善戰者不死

辟實攻虛則不死

善死者不亡

見危授命義存君親雖沒猶存

並同

十有二年春王三月紀叔姬歸于鄒傳國而曰歸此
邑也其曰歸何也吾女也失國喜得其所故言歸焉
爾

四年齊滅紀紀不言滅而言大去者義有所見爾
則國滅也叔姬來歸不書非歸寧且非大歸也叔
姬守節積有年矣紀季雖以鄒入于齊不敢懷貳
然襄公豺狼未可閤信桓公既立德行方宜於天
下是以叔姬歸于鄒魯喜其女得申其志

集解
公羊傳

徐彥疏引云叔姬來歸不書非歸寧且非
出婦又引云紀季有鄒入于齊餘並同

二十有一年

秋七月戊戌夫人姜氏薨傳婦人弗目也

文姜有弑君之逆而弗目其罪

集解

閔公

二年

冬齊高子來盟傳其曰來喜之也其曰高子貴之也
盟立僖公也不言使何也不以齊侯使高子也

魯頻弑君僖公非正也桓公遣高倖立僖公以存
魯魯人德之不名其使以貴之貴其使則其生重

矣集

解

僖公

元年

公之友謂莒掣曰吾二人不相說士卒何罪屏左右而相搏公子友處下左右曰孟勞孟勞者魯之寶刀也公子友以殺之

經書敗莒師而傳云二人相搏則師不戰何以得敗理自不通也夫王赫斯怒貴在爰整子所愼三戰居其一季友令德之人豈當舍三軍之整佻身

獨闢潛刃相害以決勝負者哉雖千載之事難明然風味之所期古猶今也此又事之不然傳或失

之集解

四年

齊人執袁濤塗傳齊人者齊侯也其人之何也於是哆然外齊侯也不正其踰國而執之也

踰國謂踰陳而執陳大夫主人之不敬客錄客之先不敬主人哆然衆有不服之心故春秋因而譏之所謂以萬物爲心也莊十七年齊人執鄭貜傳

與其執者詹奔在齊因執之

五年

冬晉人執虞公

春秋有州公郭公虞公凡三公非爵也傳以爲下
執之辭嘗試因此論之五等諸侯民皆稱曰公存
有王爵之限沒則申其臣民之稱州公舍其國故
先書州公郭公盜而歸曹故先名而後稱郭公夏
陽亡則虞爲滅國故宜稱虞公三公殊而一致三
公外而同歸生死齊稱蓋春秋所賤

二十有四年

冬天王出居于鄭傳天子無出出失天下也

天子必巡守然後行故河陽之守全天王之行也
平王東遷其詩不能復雅而列爲國風襄王奔鄭
不得全天子之行則與諸侯不異故書出也夫子
祖述堯舜憲意文武斯文是作不以道假人傳言
天下闕然如有未備

二十有七年

冬楚人陳侯蔡侯鄭伯許男圍宋傳楚人者楚子也

其曰人何也人楚子所以人諸侯也其人諸侯何也不正其信夷狄而伐中國也

夫屈信理對言信必有屈也宋楚戰于泓宋以信義而敗木有關也楚復闢之我三人行必有我師諸侯不能以義相師反信楚之曲屈宋之直是義所不取信曲屈直猶不可況乃華夷乎楚以亡義見貶則諸侯之不從不待貶而自見也然則四國信楚而屈宋春秋屈其信而信其屈則楚子于兵首則彼碌碌者以類見矣故曰人楚子所以人諸

侯

並同上

成公

八年

衛人來媵傳媵淺事也不志此其志何也以伯姬之不得其所故盡其事也

共公之葬繇伯姬則共公是失德者也傷伯姬賢而嫁不得其所

集解

哀公

二年

晉趙鞅帥師納衛世子蒯瞶于戚

鄭世子忽反正有明文子糾但於公子爲貴非世

子也

集解

傳納者內弗受也帥師而後納者有伐也何用弗受也
以輒不受也以輒不受父之命受之王父也信父而辭王父則是不尊王父也其弗受以尊王父也

齊景公廢世子世子還國書纂若靈公廢蒯瞶立輒則蒯瞶不得復稱曩曰世子也稱蒯瞶爲世子則靈公不命輒審矣此矛盾之喻也然則從王父

之言傳似失矣經云納衛世子鄭世子忽復歸子
鄭稱世子明正也明正則拒之者非邪

三年春齊國夏衛石曼姑帥師圍戚傳此衛事也其
先國夏何也子不圍父也不繫戚於衛者子不有父
也

國夏首兵則應言衛戚今不言者辟子有父也子
有父者戚繫衛則爲大夫屬于衛子圍父者論人
倫之道絕故以齊首之

並同上

春秋穀梁傳徐氏注一卷晉徐乾撰乾字文祚東莞人官給事中見經典釋文序錄隋志云梁有春秋穀梁傳十三卷晉給事郎徐乾注亡唐志復以十三卷著錄今佚范注引六節楊疏引一節據輯研究書法日與不日之例全書之旨概可知矣歷城馬國翰竹吾甫

春秋穀梁傳徐氏注

晉 徐乾 撰

桓公

十年春王正月庚申曹伯終生卒傳桓無王其曰王何也正終生之卒也

與夷見弑恐正卒不明故復明之

范甯集解

莊公

六年春王二月壬子突救衛傳壬人卑者也稱名貲之也

王人者卑者之稱也當直稱王人而已今以其能
奉天子之命救衛而拒諸侯故加名以貴之僖八
年公會王人齊侯是卑者之常稱同上

二十有四年

赤歸于曹郭公

不言郭公疑是魯之微者楊士疏

傳赤蓋郭公也何爲名也禮諸侯無外歸之義外歸
非正也

郭公郭國之君也名赤蓋不能治其國舍而歸于

曹君爲社稷之主承宗廟之重不能安之而外歸
他國故但書名以罪而懲之不直言亦復云郭公
者恐不知赤者是誰將若魯之微者故也以郭公
著上者則是諸侯失國之例是無以見微之義

集解

文公

元年

冬十月丁未楚世子商臣弑其君髡傳曰髡之卒所
以謹商臣之弑也夷狄不言正不正

中國君卒正者例曰篡立不正者不曰夷狄君卒

皆略而不日所以殊夷夏也今書日謹識商臣之
大逆爾不以明髡正與不正同上

襄公

三十年

夏四月蔡世子般弑其君固傳其不日子奪父政是
謂夷之

凡中國君正卒皆書日以錄之夷狄君卒皆不以
日略之所以別中國與夷狄夷狄弑君而日者閔
其爲惡之甚謹而錄之中國君卒例日不以弑與

不弑也至于卒而不日者乃所以略之與夷狄同

例同

哀公

七年

春秋有臨天下之言焉

臨者撫有之也王者無外以天下爲家盡其有也

同上

春秋土地名一卷晉京相璠撰璠字季修晉輿地圖作
元水經注云京相璠與裴司空彥季修晉輿地圖作
春秋地名隋志春秋土地名三卷晉裴秀客京相璠
等撰云京相璠等則非出璠一人之手以之爲主故
題璠名唐志直題京相璠卷同今佚水經注引百餘
則初學記亦引之袁錄爲帙如釋垂邨在高都中人
在望都鄺一以爲疎遠未足爲證一以爲未詳似亦
不免舛失然如前城柏舉焦瑕窮養杜氏所闕此能
確切指言之則博洽足稱也歷城馬國翰竹吾甫

春秋土地名

晉 京相璠 撰

隱公

元年

爲之請制

制鄭地

歸道元水經注卷二十二

至于稟延

長社北界有稟水

水經注卷二十二

二年

春秋土地名

葛人入向

向沛國縣今並屬譙國龍亢也

水經注卷二十三

三年

盟于石門

石門齊地今濟北盧縣故城西南六十里有故石

門去水三百步

水經注卷八

四年

公及宋公遇于清

今濟北東阿東北四十里有故清亭卽春秋所記

清者也同上

五年

衛師入郕

東都廩邱縣南三十里有故郕都水經注卷二十四

圍長葛

長社縣北有長葛鄉水經注卷二十二引京杜

七年

戎伐凡伯于楚邱以歸

今濮陽城西南十五里有沮邱城六國時沮楚同

音以爲楚邱非也

水經注卷二十四

八年

遇于垂

今濟陰句陽縣小城陽東五里有故垂亭

同上

十有一年

公會鄭伯于時來

今滎陽東四十里有故鰲城

水經注卷七

向

或云今河內軹西有地名向今無

水經注卷七

疑爲蘇

城

羅路史國名記甲引云河南
西有向而無城下有此句

賸

河內修武縣北有故賸城實中今世俗謂之皮垣
方四百步實中高八丈際陂北隔水一十五里俗
所謂蘭邱也方二百步西一十里又有一邱際山
世謂之勑邱形狀相類疑卽古攢茅也

水經注
卷九

桓公

十年

令盜待諸莘

今平陽陽平縣北一十里有故華亭道阨限蹊要

自衛適齊之道也

水經注卷五

莊公

八年

戊葵邱

齊西五十里有葵邱地

水經注卷二十六

遂田于貝邱

博昌縣南近繩水有地名貝邱在齊城西北四十

里

同上 又卷五引京相璠注云貝邱在博昌

九年

戰于乾時

今樂安博昌縣南界有時水西通濟其上源出盤

陽北至高苑下有死時中無水

水經注卷二十五

浚洙

洙水在魯城北浚深之爲齊備

水經注卷二十五

十有三年

齊人滅遂

遂在蛇邱東北十里

水經注卷二十四

家火上也名

四 鄭煥錄補校

十有四年

及大陵

潁川臨潁縣東北二十五里有故巨陵亭古大陵

也

水經注卷二十二

十有八年

公追戎于濟西

濟水自距野至濟北

水經注卷八

二十有八年

築郿

公羊傳謂之微在東平壽張縣西北三十里有故

微鄉魯邑也

同

微子國

路史國名紀
丁羅莘注

鄭人將奔桐邱

今圖無而桐邱城見存西南去許昌故城可三十

五里

水經注卷
二十五

閔公

二年

及狄人戰于漿澤

漿澤在漿陽縣東南與濟隧合

水經注
卷七

春秋土地名

三十五卷六十九

僖公

四年

北至於無棣

舊說無棣在遼西孤縣

水經注卷九

九年

諸侯盟于葵邱

葵邱地名今鄴西臺是也

水經注卷十河內山陽引春秋古地

西北六十里有鄆城

水經注卷九

二十有一年

須句

須朐一國二城兩名蓋遷都須昌朐是其本

水經注卷

八路史後紀
卷一引首句

二十有三年

盟于鹿上

濟陰乘氏縣有鹿乘鄉

水經注卷一引鄒國志云
云京杜尊謂此亭也據補

出於五鹿

今衛國縣西北三十里有五鹿地

水經注卷五

二十有四年

入桑泉取曰衰

桑泉曰衰並在解東南

水經注卷六

雍

今河內出山陽西有故雍城

水經注卷九

邠

今野王西北三十里有故邠城邠臺是也今故城

當太行南路道出其中漢武帝封李壽爲侯國

又有亭在臺西南三十里

同上

召穆公

召亭在周城南五十里

水經注卷十七

甘昭公

或曰甘水西山夷汙而平有故甘城在河南城

西二十五里

水經注卷十六

今河南河南縣有甘水北入

洛

同上

及坎埴

鞏東地名坎埴在洞水東

水經注卷十五

二十有五年

殺之於隰城

春秋土地名



陽城在懷縣西南

水經注卷九

二十有六年

獲子不祀

秣歸歸鄉

水經注卷三十四

二十有八年

盟於宛濮

衛地也

水經注卷八

三十年

今許君焦瑕

今河東解縣西南五里有故瑕城

水經注卷六

三十有三年

及箕

箕城在陽邑南水北卽陽邑縣故城也

過冀

今河東皮氏縣有冀亭古之冀國所都也

並同上

文公

二年

盟于垂隴

垂隴鄭地今棗陽縣東二十里有故隴城卽此是

也

水經注卷七

程大昌禹貢山川地理圖

十有一年

叔仲彭生會晉斂欒于承筐

今陳留襄邑西三十里有故承筐城

水經注卷二十三

埋其首於周首之北門

今濟北所治盧子城故齊周首邑也

水經注卷八

十有二年

季孫行父帥師伐諸及鄆

琅邪姑幕縣南四十里員亭故魯鄆邑世變其字

非也

水經注卷二十五

十有三年

邾文公卜遷于繹

地理志嶧山在鄒縣北繹邑之所依爲名也

河上

十有七年

敗戎于郟垂

舊說云郟垂在高都南今上黨有高都縣

水經注卷十五

宣公

元年

遇於北林

今滎陽苑陵縣有故林鄉在新鄭北故曰北林也

水經注卷

二十二

二年

成王定鼎於郊廓

郊山名廓地邑也卜年定鼎爲王之東都謂之新

邑是爲王城其城東南名鼎門蓋九鼎所從入也

故謂是地爲鼎中楚子伐陸渾之戎門鼎于庇水

注卷
十六

十有一年

盟於辰陵

潁川長平有故辰亭

水經注卷二十二

十有二年

戰於邲

邲在敖北

水經注卷七

同盟於清邱

在今東郡濮陽縣東南三十里

水經注卷三十

春秋土地名

一 女 男 骨 不 木
三 十 五 卷 七 十 四

成公

二年

盟于袁婁

濟南梁鄒縣有袁水

水經注卷八

將及華泉

華不注山下泉水也

水經注卷八

十有六年

楚師還及瑕

瑕楚地

水經注卷二十三

公自沙隨還待于郾

公羊作運字今東郡廩邱縣東八十里有故運城

水經注卷

二十四

襄公

三年

乃盟於彫外

今臨淄唯有濇水西北入蒲卽地理志曰如水矣

彫如聲相似

水經注卷二十四胡三省通鑑音注卷四引無末句

十年

春秋土地名



十二姊妹館蒲校

三十五卷七十五

會吳于祖

祖宋地今彭城偃陽縣西北有祖水溝去偃陽八

十里

水經注卷二十八

十有一年

西濟于濟隧

濟隧鄭地也濟水滎澤中北流至恒雍西與出河

之濟會南去新鄭百

里水經注卷七 禹貢山川地圖引首句

十有二年

師于楊梁

楊梁宋地矣今睢陽東南三十里有故楊梁今曰

陽亭也俗名之曰緣城非矣西北去梁國八十里

水經注卷三十

十有六年

戰于湛阪

昆陽縣北有蒲城蒲城北有湛水

水經注卷二十一

十有八年

齊侯禦諸平陰

平陰齊地名在濟北盧縣故城西南十里

水經注卷八

春秋土地名

土加銀館諸校

塹防門而守之廣里

平陰城南有長城東至海西至濟河道所由名防

門於平陰三里齊侯塹防門卽此也其水引濟故

瀆尙存同今防門北有光里齊人言廣音與光同

同

齊侯登巫山

巫山在平陰東北

同上

焚申池之竹木

中門卽齊城南面西

第一門矣爲申池

水經注卷二十六

十有九年

取邾川自漵水

薛縣漵水首受蕃縣西注山陽陽陸

水經注卷二十五

城武城

今泰山南武城縣有澹臺子羽冢縣人也

水經注卷二十

二

衛奔高唐以叛

本平原縣也齊之西鄙也

水經注卷五

二十有三年

封少水

晉地矣少水今沁水也

水經注卷九

二十有六年

涉於汜而歸

汜城周襄王居之故曰襄城也今置闕於其下

水經

注卷二十一

襲衛羊角

衛邑也今東郡廩丘縣南有羊角城

水經注卷二十四

遂襲我高魚

今魯邑也今廩邱東北有故高魚城俗謂之交魚

城謂羊角爲角逐城上

昭公

四年

三塗

山名

水經注卷十五

五年

勞諸索氏

京縣有大索亭小索亭大小索氏兄弟居之故有

春秋土地名

古薊館補校

大小之號

張守節史記正義李石續博物志卷九通鑑音注卷一百二十六

水經

注卷七引云京有小索亭世語以為兄弟居此故號小索者也

九年

以夷濮西田益之

以夷之濮西田益也

水經注卷二十二

十有三年

及中人

今中山望都里二十里有故人城

水經注卷十一

十有五年

國鼓

白狄之別也下曲陽有鼓聚故鼓子國也

水經注卷十

十有九年

若大城城父

城父周襄王居之因名襄城

樂史太平寰宇記卷八

二十年

聊攝以東

聊城縣東北三十里有故攝城

水經注卷五

二十有二年

春秋土地名



劉子單子以王猛居于皇

訾城北三里有黃亭

水經注卷十五

鄆盼伐皇

今鞏洛渡北有鄆谷水東入洛謂之下鄆故有上
鄆下鄆之名亦謂之北鄆於是有南鄆北鄆之稱
矣又有鄆城蓋周大夫鄆盼之舊邑

司徒醜以王師敗績于前城

今洛陽西南五十里伊闕前亭

並同上

帥師軍于陰

陰溝出河爲濟

水經注卷三十三

二十有六年

守關塞

伊闕在洛陽西南五十里

通鑑音注卷五十八

二十有七年

與吳師遇于窮

今安豐有窮水北入淮

水經注卷三十

及沙汭

楚東地

水經注卷二十二

二十有八年

魏成爲梗陽大夫

梗陽晉邑也今太原晉陽縣南六十里榆次界有

梗陽地

水經注卷六

三十年

逆吳公子使居養

養陰在襄城郟縣西南養水名也

水經注卷二十一

定公

元年

晉魏舒合諸侯之大夫于翟泉

今注疏本狄泉依水經注引土地名作翟

今太倉西南池水名翟泉舊說言翟泉本自在洛

陽北裴宏城周乃繞之

水經注卷十六

自小別至大別

大別漢東山名也在安豐縣南

徐堅初學記卷二十八

陳于柏舉

柏舉漢東地

水經注卷三十五

敗諸雍澨

水際及邊地名也今南陽清陽二縣之間清水之

濱有南澨北澨矣

水經注卷四十

六年

鄭於是乎伐馮滑胥靡負黍狐人闕外

負黍在潁川陽城西南二十七里世謂之黃城也

水經注卷

二十二

十有三年

築蛇淵園

今濟北有蛇邱城城下有水魯園也俗謂之濁須

水誤矣

水經注卷二十四

晉趙鞅入于晉陽以叛

晉太鹵太原太夏太墟晉陽太康六名其實一也

初學記卷八
引春秋地名

哀公

元年

殺斟灌以伐斟鄩

地理志北海有斟縣故斟鄩國禹後西北去灌亭

九十里

水經注卷二十六 鄭樵通志卷
四十一引云斟尋去斟亭七里

二年

登鐵上

鐵邱名也

水經注卷五

四年

襲梁及霍

霍陽山在周平城東南

水經注卷二十一

司馬起鄆析與戎狄

今注疏本作豐析依水經引土地名作鄆

南鄉浙縣有故鄆鄉春秋所謂鄆析也於地理屬

宏農今屬南鄉

水經注卷二十七

將通于少習以聽命

楚通土洛阨道也

水經注卷二十

八年

齊人取謹及闕

岡縣西四十里有闕亭

水經注卷二十四

十有四年

殺諸郭闕

在廩丘城南

水經注卷二十四

二十有七年

盟于平陽

春秋土地名

宣八年平陽東平陽也泰山有平陽縣此年平陽
西平陽也高平南有平陽縣也

孔穎達
正義

玉函山房輯佚書目

卷三十六

經編春秋類

春秋穀梁傳義注一卷

晉徐邈

春秋左傳徐氏音一卷

晉徐邈

春秋左氏傳函義一卷

晉干寶

答薄叔元問穀梁義一卷

晉范甯

春秋穀梁傳鄭氏說一卷

晉鄭嗣